



經典釋文卷第一

序錄

唐國子博士兼太子中允贈齊州刺史吳縣開國男陸德明撰

序

夫書音之作者多矣前儒撰著光乎篇籍其來既久誠無閒然但降聖已遠不免偏尚質文詳畧互有不同漢魏迄今遺文可見或專出己意或祖述舊音各師成心製作如面加以楚夏聲異南北語殊是非信其所聞輕重因其所習後學鑽仰罕逢指要夫筌蹄所寄唯在文言差若毫釐謬便千里夫子有言必也正名乎名不正則言不順言不順則事不成故君子名之必可言也言之必可行也斯富哉言乎大矣盛矣無得而稱矣然人稟二儀之漓和含五行之秀氣雖復挺生天縱必資學以知道故唐堯師於許由周文學於虢叔上聖且猶有學而况其餘乎至於處鮑居蘭翫所先入染絲斲梓功在初變器成采定難復改移一薰一蕕十年有臭豈可易哉豈可易哉余少愛墳典

中國大學講議

經典

一

吳承仕



3 1773 9535 1

留意藝文雖志懷物外而情存著述粵以癸卯之歲承乏上庠循省舊音苦其太簡况微言久絕大義愈乖攻乎異端競生穿鑿不在其位不謀其政既職司其愛寧可視成而已遂因暇景救其不逮研精六籍采摭九流搜訪異同校之蒼雅輒撰集五典孝經論語及老莊爾雅等音合爲三秩三十卷號曰經典釋文古今竝錄括其樞要經注畢詳訓義兼辯質而不野繁而非蕪示傳一家之學用貽後嗣令奉以周旋不敢墜失與我同志亦無隱焉但代匠指南固取諸於博識既述而不作言其所用復何傷乎云爾

條例

先儒舊音多不音注然注既釋經經由注顯若讀注不曉則經義難明混而音之尋討未易今以墨書經本朱字辯注用相分別使較然可求舊音皆錄經文全句徒煩翰墨今則各標篇章於上摘字爲音慮有相亂方復具錄唯孝經童蒙始學老子衆本多乖是以二書特紀全句五經人所常習理有大宗義行於世無煩纏縷至於莊老讀者

稀故于此書微爲詳悉。又爾雅之作本釋五經，既解者不同，故亦略存其異。文字音訓，今古不同。前儒作音多不依注，注者自讀亦未兼通。今之所撰微加斟酌，若典籍常用，會理合時，便即遵承標之於首，其音堪互用，義可竝行，或字有多音，衆家別讀，苟有所取，靡不畢書。各題氏姓以相甄識，義乖於經亦不悉記。其或音一音者，蓋出於淺近，示傳聞見，覽者察其衷焉。然古人音書止爲譬況之說，孫炎始爲反語，魏朝以降，蔓衍寔繁。世變人移，音訛字替，如徐仙民反易爲神，石郭景純反饒爲羽，鹽劉昌宗用承音，乘許叔重讀皿爲猛，若斯之儔，今亦存之。音內既不致遺，舊且欲俟之來。哲書音之用，本示童蒙，前儒或用假借字爲音，更令學者疑昧。余今所撰務從易識，援引衆訓，讀者但取其意義，亦不全寫舊文典籍之文。雖夫子刪定子思讀詩，師賁已別，而况其餘乎？鄭康成云：其始書之也，倉卒無其字，或以音類比方假借爲之，趣於近之而已。受之者非一邦之人，人人用其鄉，同言異字，同字異言，於茲遂生矣。戰國交爭，儒術用息，秦皇滅學。

加以坑焚先聖之風掃地盡矣漢興改秦之弊廣收篇籍孝武之後經術大隆然承秦焚書口相傳授一經之學數家競爽章句既異駁跡非一後漢黨人既誅儒者多坐流廢後遂私行金貨定蘭臺漆書經字以合其私文靈帝乃詔諸儒正定五經於石碑之上爲古文篆隸三體書法以相參檢樹之學門使天下取則未盈一紀尋復廢焉班固云後世經傳既已乖離傳學者又不思多聞闕疑之義而務碎義逃難便詞巧說安其所習毀所不見終以自弊此學者之大患也誠哉是言余既撰音須定糾繆若兩本俱用二理兼通今竝出之以明同異其涇渭相亂朱紫可分亦悉書之隨加刊正復有他經別本詞反義乖而又存之者示博異聞耳經籍文字相承已久至如悅字作說閑字爲閒智但作知汝止爲女若此之類今竝依舊音之然音書之體本在假借或經中過多或尋文易了則翻音正字以辯借音各於經內求之自然可見其兩音之者恐人惑故也尙書之字本爲隸古既是隸寫古文則不全爲古字今宋齊舊本及徐李等音所

有古字蓋亦無幾穿鑿之徒務欲立異依傍字部改變經文疑惑後生不可承用今皆依舊爲音其字有別體則見之音內然亦兼采說文字詁以示同異者也春秋人名字氏族及地名或前後互出或經傳更見如此之類不可具舉若國異名同及假借之字兼相去遼遠不容踈略皆斟酌折衷務使得宜爾雅本釋墳典字讀須逐五經而近代尸徒好生異見改音易字皆采雜書唯止信其所聞不復考其本未且六文八體各有其義形聲會意寧拘一揆豈必飛禽即須安鳥水族便應著魚蟲屬要作虫旁草類皆從兩中如此之類實不可依今竝校量不從流俗方言差別固自不同河北江南最爲鉅異或失在浮清或滯於沈濁今之去取糞社茲弊亦恐還是殼音更成無辯夫實有精麤謂之好惡並如字心有愛憎稱爲好惡上呼舉反下鳥路反當體節云名譽音預論情則曰毀譽音餘及夫自敗薄邁反敗他補邁反之殊自壞呼怪反壞撤音怪之異此等或近代始分或古已爲別相仍積習有自來矣余承師說皆辯析之比人言者多爲一例如而靡異邪不定也助句之詞弗殊莫

辯復扶又反復音服寧論過古不反過古臥反又以登升共爲一韻攻公分作兩音如此之儔

恐非爲得將來君子幸留心焉五經字體乖替者多至如龜鼈從龜亂辭從舌席下爲

帶惡上安西析旁著片辭邊作禹直是字譌不亂餘讀如寵丑圃反字爲寵力孔錫思歷字爲

網音支用支音十反代文武云將无音混无音若斯之流便成兩失又來旁作力俗以爲約糊

字說文以爲勞俸之字水旁作曷俗以爲飢渴字字書以爲水竭之字如此之類改便

驚俗止不可不知耳

經典序錄第二

次第

五經六籍聖人設教訓誘機要寧有短長然時有澆漓隨病投藥不相沿襲豈無先後

所以次第互有不同如禮記經解之說以詩爲首七略藝文志所記用易居前阮孝緒

七錄亦同此次而王儉七志孝經爲初原其後前義各有旨今欲以著述早晚經義摛

別以成次第出之如左

周易

雖文起周代而卦肇伏羲既處名教之初故易爲七經之首周禮有三易連山久亡歸藏不行於世故不詳錄

古文尙書

既起五帝之末理後三皇之經故次於易伏生所誦是曰今文闕謬處多故不別記馬鄭所有同異今亦附之晉後

毛詩

既起周文又兼商頌故在堯舜之後次於易書詩雖有四家齊魯韓世所不用今亦不取

三禮

中國大學講義

經典

七

吳承仕

周儀二禮鼓周公所制宜次文王禮記雖有戴聖所錄然忘名已久又記二禮闕遺

相從次於詩下三禮次第周爲本儀爲末先後可見然古有樂經謂之六籍滅亡既

久今亦闕焉

春秋

既是孔子所作理當後於周公故次於禮左丘明受經於仲尼公羊高受之於子夏穀

梁赤乃後代傳聞三傳次第自顯

孝經

雖與春秋俱是夫子述作然春秋周公垂訓史書舊章孝經專是夫子之意故宜在春秋之後七志以孝經居易之首今所不同

論語

此是門徒所記故次孝經藝文志及七錄以論語在孝經前今不同此次

老子

雖人不在末而衆家皆以爲子書在經典之後故次於論語

莊子

雖是子書人又最後故次老子

爾雅

爾雅周公復爲後人所益既釋於經又非 次故殿末焉衆家皆以爾雅居經典

之後在諸子之前今微爲異

注解傳述人

宓犧氏之王天下仰則觀於天文俯則察於地理觀鳥獸之文與地之宜近取諸身遠

取諸物始畫八卦

或云因河圖而畫八卦

因而重之爲六十四文王拘於羑里作卦辭周公作爻辭

孔子作彖辭象辭文言繫辭說卦序卦雜卦是爲十翼班固曰孔子晚而好易讀之韋

中國大學講義

經義

九

吳承仕

編三絕而爲之傳傳即十翼也先儒說重卦及爻辭爲十翼不同解見余所撰自魯商瞿子木受易於孔子以授魯

橋庇子庸子庸授江東馭戶旦反徐廣音寒臂子弓子弓授燕周醜子家子家授東武孫虞子乘

子乘授齊田何子莊高士傳云字在漢書儒林傳云臨淄人及秦燔書易爲卜筮之書獨不禁故傳授者不絕

漢興田何以齊田徙杜陵號杜田生授東武王同子中及洛陽周王孫梁人丁寬字子襄

田何復從周王孫受古義作易說三萬言訓故舉大隨而已藝文志云易說八篇爲梁孝王將軍齊人號服先齊服生劉向別錄云皆著易傳漢初言易者本之田生

同授淄川楊何字叔一本作字叔元太中大夫寬授同郡碭田王孫王孫授施讎及孟喜梁丘賀由是有施

孟梁丘之學焉施讎字長卿沛人爲博士傳易授張禹字了文河內軹人徒家蓮勺以論語授成帝官至丞相安昌侯及琅邪魯伯會稽太守禹受

淮陽彭宣字子佩大司空長平侯作易傳及沛戴崇字子平少府作易傳授太山毛萸如字少路常山太守及琅邪鄒丹字曼後

漢劉昆字桓公陳留東昏人侍中弘農太守光祿勳受施氏易於沛人戴賓其子軼字君文官至宗正孟喜字長卿東海蘭陵人父曲靈署長丞相掾

孟卿善爲禮春秋孟卿以禮經多春秋煩雜乃使喜從田王孫受易喜爲易章句授同

郡白光字少及沛翟牧字子况後漢注丹字子玉南陽育陽人世傳孟氏雋陽鴻字孟孫中任安字定祖廣漢縣

竹皆傳孟氏易梁丘賀字長翁琅琊人本從太中大夫京房受易房循川楊何弟子後更事田王孫傳子

臨黃門郎臨傳五鹿充宗字君孟代郡人少府丞宛太守及琅邪王駿王吉子御史大夫充宗授平陵士孫張字仲方博士揚州牧

光祿大夫給事及沛鄧彭祖字長夏真定太守齊衡咸字長賓王莽講學大夫後漢范升代郡人博士傳梁丘易一本作傳以孟氏易

授京兆楊政字子行左中郎將又潁川張興字君上太子少傅傳梁丘易弟子著錄且萬人子鮪傳其業官

至張按屬京房字君明東郡頓丘人本姓李推律自定為京至魏郡太守受易梁人焦延壽字延壽名贛延壽云嘗從孟喜問易會喜

死房以延壽易即孟氏學翟牧白生不肯曰非也延壽嘗曰得我術以亡身者京生也

房為易章句說長於災異以授東海段嘉漢書儒林傳作段嘉及河東姚平河南乘弘一本作桑弘皆為郎

博士由是前漢多京氏學後漢馮字次仲汝南平輿人傳中兼領虎賁中郎將孫期字仲奇濟陰成武人兼治古文尚書不仕魏滿字叔牙南陽人弘農

太竝傳之費直字長翁東萊人單父令傳易授琅邪王璜字平仲又傳古文尚書為費氏學本以古字號古文易

無章句徒以彖象繫辭文言解說上下經七錄云直易章句四卷殘缺漢成帝時劉向典校書考易說以

為諸易家說皆祖田何楊叔元丁將軍大義畧同唯京氏為異向又以中古文易經校

施孟梁丘三家之易經或脫去無咎悔亡唯費氏經與古文同范曄後漢書云京兆陳

元字長孫司空南園祭酒兼傳左氏春秋扶風馬融字季長茂陵人南郡太守議郎為河南鄭衆字仲師大司農兼傳北海鄭

玄字康成高密人師事馬融大司農微不至還家凡所注易尚書三禮論語尚書大傳五經中候潁川荀爽字慈明官至

費氏易沛人高相治易與費直同時其易亦無章句專說陰陽災異自言出了將

軍傳至相相授子康康字明易為郎及蘭陵母將永都尉章為高氏學漢初立易楊氏博士宣帝復

立施孟梁丘之易元帝又立京氏易費高二家不得立民間傳之後漢費氏興而高氏

遂微永嘉之亂施氏梁丘之易亡孟京費之易人無傳者唯鄭康成王輔嗣所注行於

世江左中興易唯置王氏博士太常荀爽奏請置鄭易博士詔許備王敦亂不果立而王氏為世所重今以王為主其繫辭已下王不注相

承以韓康伯注續之今亦用韓本

子夏易傳三卷卜商字子夏衛人孔子弟子魏文侯師七略云漢與韓嬰傳中經篇錄云丁寬所作張璠云或駢臂子弓所作薛虞記庶不詳何許人孟喜章句十卷無上經七

京房章句十一卷七錄云十卷錄一卷目費直章句四卷殘馬融傳十卷七錄云荀爽注十

節經無旅至京房章句十一卷錄一卷目費直章句四卷殘馬融傳十卷七錄云荀爽注十

節錄一卷目費直章句四卷殘馬融傳十卷七錄云荀爽注十

節錄一卷目費直章句四卷殘馬融傳十卷七錄云荀爽注十

節錄一卷目費直章句四卷殘馬融傳十卷七錄云荀爽注十

卷七錄云 鄭玄注十卷 錄一卷七錄 劉表章句五卷 字景升山陽高平人後漢鎮南將軍荊州牧南城侯中經錄云注易十卷七錄云九卷錄一卷 宋

袁注九卷 字仲子南陽章陵人後漢荊州 虞翻注十卷 一字仲翔會稽餘姚 陸績述十三卷 字公紀吳郡吳

志云錄一卷 董遇章句十二卷 字季直弘農華陰人魏侍中 王肅注十卷 字子嵩東海蘭陵人魏衛將軍太常

子家語述毛詩注 王弼注七卷 字輔嗣山陽高平人魏尚書郎年二十四卒注易上下 姚信注十卷 字德祐七錄

與八吳太常卿 王嘔注十二卷 字止將軍武陵襄侯七志七錄云十卷 張嘏集 十一卷 安定人東晉秘書

二家解序云依向秀本鍾會字士 穎川人魏鎮西將軍為易無互體論向秀字子期河 人晉又騎常侍為易義虞康運字玄度新

野人自至尚書為易義一云易注應 真字吉甫汝南人晉散騎常侍為明易論荀焯字景文 穎川人晉太子中庶子為易義七

志云注易十卷 長輝字義五梁國人晉侍中平凌亭侯為易義王宏字正宗弼之 兄晉大司農贈太常為易義阮咸字仲容東晉人

籍之九子晉散騎常侍始平太守為易義阮准字長成籍之子晉太子中庶子弼胡太守為易義揚又字彥汝南人晉司徒左長

史為易卦序論王濟字武子太原人晉司南尹為易義衛瓘字自玉可東人晉太僕南陵成侯 為易義華字永初太山人晉太保

後尚書郎為易論鄒湛字潤甫南陽新野人晉國子祭酒為易統略杜育字力叔襄城人國子祭酒為易義蔡環不知何許人晉司

徒石長史為易義張軌字士彥安定人涼州刺史證武公為易義官符字幼麟 郡人晉江城 為 干寶注十卷 字少升新

州知來藏往論邢融 漢許越 蘇 澹 四人不詳何人並為易義七錄云集 十八家七志云十卷 蔡人東晉

散 常侍 黃穎注十卷 南海人晉 蜀才注十卷 七錄云不詳何人七志云是王弼後人案蜀才書云姓名 尹

濤注六卷 不詳 費元珪注九卷 蜀人并安 荀爽九家集注十卷 不知何人所集稱荀爽者以為主故

張翻陸績姚信翟子玄子玄不詳何人為謝方字方石東郡人韓伯字爽伯潁川人袁悅之字元禮東郡人桓

易義注內又有張氏朱氏並不詳何人

玄字敬道譙國龍亢人僂楚皇帝太子下伯玉濟陰人宋東陽太守黃門郎荀柔之潁川潁陰人徐爰字季玉琅琊人顧權字景怡咸云字

太學博士明僧紹字承烈平原人國子博士微不起劉瓛字子珪沛國人齊步兵校尉不拜自謝方以下十人並注繫辭

為易音者三人王肅已見前李軌字弘範江夏人東晉祠部郎中郎亭侯徐邈字仙民東莞人東晉中書侍郎太子前衛率

右易近代梁褚仲都陳周弘正弘正作老莊義疏官至尚書僕射證簡十並作易義此其知名者

書者本王之號令右史所記孔子刪錄斷自唐虞下訖秦穆典謨訓誥誓命之文凡百

篇而為之序及秦禁學孔子之末孫惠壁藏之家語云孔騰字子襄畏秦法峻急藏尚書孝經論漢興

欲立尚書無能通者聞濟南伏生名勝故傳之文帝欲徵時年已九十餘不能行於是詔

太常使掌故晁錯受焉古文官書云伏生年老不能正言言不可曉使其女傳言教錯伏生失其本經口誦二十九篇傳授漢書

生為秦禁書壁藏之漢定伏生求其書亡十數篇獨得二十九篇以教齊魯之間以其上古之書謂之尚書鄭玄以為孔子撰書而命之曰尚書尚者上

故曰伏生授濟南張生千乘歐陽生字和伯生授同郡兒寬御史寬又從孔安國受業以授

大夫

歐陽生之子

歐陽大小夏侯尚書皆出於寬

歐陽氏世傳業至曾孫高作尚書章句為歐陽氏學高孫地

餘

字長賓侍中少府

以書授元帝傳至歐陽欽

字正思後漢大司徒

欽以上八世皆為博士濟南林尊

字長賓為博士

論石渠官至少

受尚書於歐陽高以授平當

字子思下邑人能平陵官至丞

及陳翁生

梁人信都太傅家世傳業

生授殷崇

琅邪人為博士

及龔勝

當授朱普

字公文九江人為博士

及鮑宣

字子郁勃海人官至司隸

受業於歐陽欽傳其子社

字伯山諱大夫

又陳留陳弁

字叔別受業於丁鴻

樂安牟長

字君高河內太

茲傳

歐陽尚書沛國桓榮

字稚卿太子太傅太常五英關內侯

受尚書於朱普

東觀漢紀云榮事九

以授漢明帝遂世相

傳東京最盛

漢紀云門生為公卿者甚衆學者慕之以為法榮子郁以書授章

張生

濟南人為博士

授夏侯都尉

魯人

都尉傳族子始昌

始昌連五經詩尚書教授為昌邑太傅

始昌傳族子勝

字長公後屬東平長

勝從始昌受尚書及

信少府太子太傅

洪範五行傳說災異又事同郡簡卿卿者兒寬門人又從歐陽氏問為學精熟所問非

一師善說禮服受詔撰尚書論語說

藝文志夏侯尚書章句二十九卷

號為大夏侯氏學傳齊人周堪

堪字少卿

及魯國孔霸

字次鴻孔子十三世孫為博士以書授霸

霸傳子光

字子夏丞相博山侯光又事牟卿

堪受魯國牟卿

中國大學講義

經典

十五

吳承仕

高博及長安許商字伯長，自至元卿，善算，著五行論。商授沛唐林字子高，王莽時為元卿。及平陵吳章字偉君，王莽時博士。重泉王吉字少香，王莽時博士。

齊快字幼卿，王莽時博士。後漢北海牟融亦傳大夏侯書夏侯建字長卿，勝從父兄子，為博士，諡節太子少傅。師事夏

侯勝及歐陽高左右采獲，又從五經諸儒問與尚書相出入者，牽引以次，章句為小夏侯氏學。傳平陵張山拊字長，為博士。山拊授同縣李尋字子長，時都尉。及鄭寬中字少君，為博士，授成帝

趙玄御史大夫。無故授沛唐尊王莽太傅。恭授魯馮賓為博士。後漢東海王良亦傳小夏侯尚書。漢

宣帝本始中，河內女子得秦誓一篇，獻之與伏生所誦，合三千篇。漢世行之，然秦誓年月不與序相應，又不與左傳國語孟子衆書所引秦誓同。馬鄭王肅諸儒皆疑之。漢書

儒林傳云：百兩篇者，出東萊張霸分析，合二十九篇，以為數十。又采左傳書序為首尾，凡百二篇，篇或數簡，文意淺陋。成帝時，劉向校之，非是。後遂黜其書。古文尚書者，孔

惠之所藏也。魯恭王壞孔子舊宅，漢景帝程姬之子名，徐封於魯，諡恭王。於壁中得之，并禮論語孝經皆科斗

書，其文多不可識。後漢書儒林傳云：孔惠之所藏也。魯恭王壞孔子舊宅，於壁中得之，并禮論語孝經皆科斗

書，其文多不可識。後漢書儒林傳云：孔惠之所藏也。魯恭王壞孔子舊宅，於壁中得之，并禮論語孝經皆科斗

書，其文多不可識。後漢書儒林傳云：孔惠之所藏也。魯恭王壞孔子舊宅，於壁中得之，并禮論語孝經皆科斗

書，其文多不可識。後漢書儒林傳云：孔惠之所藏也。魯恭王壞孔子舊宅，於壁中得之，并禮論語孝經皆科斗

文字博士孔安國字子國魯人孔子十二世孫受詩於魯申公官至諫大夫臨淮太守以校伏生所誦爲隸古寫之增多伏生二十

五篇藝文志云多十六篇又伏生誤合五篇凡五十九篇爲四十六卷藝文志云尙書古文經四十六卷五十七篇安國又受詔

爲古文尙書傳值武帝末巫蠱事起經籍道息不獲奏上藏之私家安國并作古文論語古文考經傳藝文志云安國獻尙書傳遺巫蠱事才列於學官

大小夏侯三家經文脫誤甚衆藝文志云酒誥脫簡一召誥脫簡二文異者七百有餘脫字數十都尉朝授膠東庸生名讓亦庸生傳論語

授清河胡常字少子以明毅梁春秋爲博士至部刺史又傳左氏春秋常授毓徐敖右扶風掾又傳毛詩敖授琅邪王璜及平陵塗惲字子與

惲授河南乘欽字君長一本作乘欽王莽時諸學皆立惲璜等貴顯范曄後漢書云中興扶風杜林

傳古文尙書賈逵字景伯扶風人左中郎將侍中爲之作訓馬融作傳鄭玄注解由是古文尙書遂顯于世

案今馬鄭所注竝伏生所誦非古文也孔氏之本絕是以馬鄭杜預之徒皆謂之逸書

王肅亦注今文而解大與古文相類或肅私見孔傳而祕之乎江左中興元帝時豫章

內史枚隨字仲真汝南人奏上孔傳古文尙書亡舜典一篇購不能得乃取王肅注堯典從春徽

五典以下分爲舜典篇以續之

孔序謂伏生以舜典合於堯典孔傳堯典止於帝學徒遂盛後范甯字曰往欽哉而馬鄭王之本同爲堯典故取爲舜典

子順陽人東晉豫章太守兼注穀梁

變爲今文集注俗閒或取舜典篇以續孔氏齊明帝建武中吳興姚方興

采馬王之注造孔傳舜典一篇云於大脰頭買得上之梁武時爲博士議曰孔序稱伏

生誤合五篇皆文相承接所以致誤舜典首有曰若稽古伏生雖昏耄何容合之遂不

行用漢始立歐陽尚書宣帝復立大小夏侯博士平帝立古文永嘉喪亂衆家之書並

滅亡而古文孔傳始興置博士鄭氏亦置博士一人近唯崇古文馬鄭王注遂廢今以

孔氏爲正其舜典一篇仍用王肅本

孔安國古文尚書傳十三卷馬融注十一卷

字季長

鄭玄注九卷王肅注十卷謝沈注十

五卷

字行思會稽人東晉尚書祠部郎領著作錄一卷

李暉注十卷

字長林江夏人東晉本郡太守

范甯集解十卷姜道盛集解十卷

天水人宋繪事

中字尚書大傳二卷伏生

爲尚書音者四人

孔安國鄭玄李軌徐邈案漢人不作音後人所託

右尚書梁國子助教江夏費昶作義疏行於世詩者所以言志吟詠性情以

諷其上者也古有采詩之官王者巡守則陳詩以觀民風知得失自考正也動天地感

鬼神厚人倫美教化移風俗莫近乎詩是以孔子最先刪錄既取周詩上兼商頌凡三

百一十一篇毛公為故訓時已亡六篇以授子夏子夏遂作序焉或曰毛公作序解見口以相傳未有章

句戰國之世專任武力雅頌之聲為鄭衛所亂其廢絕亦可知矣遭秦焚書而得全者

以其人所諷誦不專在竹帛故也漢興傳者有四家魯人申公亦謂申培公楚王大傳武帝以安車蒲輪徵之時申公年八十餘以

為大中大夫受詩於浮丘伯以詩經為訓故以教無傳疑者則闕不傳號曰魯詩弟子為博士

者十餘人郎中令王臧關陵人御史大夫趙綰代臨淮太守孔安國膠西內史周霸城陽

內史夏寬東海太守魯賜碭人長沙內史繆生關陵人膠西中尉徐偃膠東內史闕門慶忌

鄒皆申公弟子也申公本以詩春秋授瑕丘江公盡能傳之徒眾最盛魯許生免中徐

公免中縣名皆守學校授丞相韋賢受詩於江公及許生傳子玄成賢字長鸞玄成字少翁父子並為丞相封扶陽侯又治禮論語玄成

兄子實以詩授哀帝犬司馬車騎將軍又王式字翁思東平新受詩於免中徐公及許生以授張生長安名長安字幼君山陽人為博士

論石渠至淮陽中尉及唐長賓東平人為博士楚王太傅褚少孫沛人為博士褚氏家傳云即續史記褚先生張生兄子游卿諫大夫以詩授元帝

傅王扶琅琊人泗水中尉授許晏為博士又薛廣德字長卿沛國相受詩于王式授龔舍字君傳楚國人太山太守

齊人轅固字少君東海下邳生漢景帝時為博士至清河太傅作詩傳號齊詩傳夏侯始昌始昌授后蒼字近君東海鄉人通詩禮為博士至少尉蒼授

翼奉字少君東海下邳人為博士諫大夫及蕭望之字長倩東海蘭陵人御史大夫前將軍兼傳論語匡衡字稚圭東海承人丞相梁安侯子威亦明經歷九卿家世多為博士衡授師丹

字公仲瑛邪人為博士及伏理字游君高密人滿昌字君都潁川人授張邯九江人及皮容琅琊人皆至大官徒衆尤盛

後漢陳元方亦傳齊詩燕人韓嬰漢文帝時為博士推詩之意作內外傳數方言號曰韓詩淮南貢生受之武帝時嬰與董仲舒論於上前仲舒不能難嬰又為易傳燕趙間好詩故其易微唯韓氏自傳之其孫商為

博士孝宣時涿韓生其後也河內趙子事燕韓生授同郡蔡誼誼以詩授昭帝誼授同郡食

子公為博士及琅邪王吉字子陽王駿父昌邑中尉諫大夫吉子公授太山栗豐郡刺吉授淄川長孫

順為博士豐授山陽張就順授東海髮福一本作竝至大官藝文志云齊韓詩或取春秋采

雜說咸非其本義魯最為近之毛詩者出自毛公河閒獻王好之徐整字文操豫章人吳太常卿云子

夏授高行子高行子授薛倉子薛倉子授帛妙子帛妙子授河閒人大毛公公爲詩

故訓傳於家以授趙人小毛公一云小毛公爲河閒獻王博士以不在漢朝故不列於

學一云子夏傳曾申字子西魯人曾參之子申傳魏人李克克傳魯人孟仲子鄭玄詩譜云孟仲子傳

根牟子根牟子傳趙人孫卿子孫卿子傳魯人大毛公漢書儒林傳云毛公趙人治詩

爲河閒獻王博士授同國貫長卿徐整作長卿授解延年爲阿武令詩譜云齊人延年授號徐敖敖授

九江陳俠王莽講學大夫或云陳俠傳謝曼卿元始五年公車徵說詩後漢鄭眾賈逵傳毛詩馬

融作毛詩注鄭玄作毛詩箋申明毛義難三家於是三家遂廢矣魏太常王肅更述毛

非鄭荊州刺史王基字伯與襄陽人王肅申鄭義晉豫州刺史孫毓字休明北海平昌人長沙太守爲詩評評毛鄭

王肅三家同異朋於王徐州事事陳統字元方難孫申鄭宋徵士鴈門周續之字道祖及雷次宗俱事廬山惠遠法

師豫章雷次宗字仲倫宋南直郎徵不起齊沛國劉瓛竝爲詩序義前漢魯齊韓三家詩列于學官平帝

世毛詩始立齊詩久亡魯詩不過江東韓詩雖在人無傳者唯毛詩鄭箋獨立國學今

所遵用

毛詩故訓傳二十卷 鄭氏箋 馬融注十卷 無下 王肅注二十卷 謝沈注二十卷 江熙注二

十卷 字太和濟陽人東晉兗州別駕 鄭玄詩譜二卷 徐鑿大 孫毓詩同異評十卷 陸璣毛詩草木鳥獸蟲魚

疏二卷 字元格吳郡人吳太子中庶子烏程令 爲詩音者九人 鄭玄 徐邈 蔡氏 孔氏 阮侃 王肅 江惇 于寶 季軌

阮侃字德總陳留人河內太守江惇字思俊河內人東晉徵士蔡氏孔氏不詳何人

右詩梁有桂州刺史清河崔靈恩集衆解爲毛詩集注二十四卷 俗閒又有徐爰詩音 近吳興沈重亦撰詩音義

安上治民莫善於禮 鄭子太叔云 夫禮天之經地之義 民之行也 左傳云 禮所以經國家 定社稷 序民人 利後嗣者也 禮教之設 其源遠哉 帝王質文 世有損益 至於周公代時 轉浮周公 居攝曲爲之制 故曰 經禮三百 威儀三千 及周之衰 諸侯始僭 將踰法度 惡其害已 皆滅去其籍 自孔子時而不具矣 孔子反魯 乃始刪定 植戰國交爭 秦氏坑

焚惟故禮經崩壞爲甚漢興有魯高堂生傳士禮十七篇即今之儀禮也而魯徐生善爲容孝文時爲禮官大夫景帝時河閒獻王好古得古禮獻之鄭六藝論云後得孔氏壁中河閒獻王古文禮五十六篇記百二十

一篇周禮六篇其十七篇與高堂生所傳同而字多異劉向別錄云古文記二百四篇藝文志曰禮古五十六篇出于魯淹中蘇林云淹中里名或曰河閒獻王開獻書之路時有李

氏上周官五篇失事官一篇乃購千金不得取考工記以補之瑕丘蕭奮以禮至淮陽

太守授東海孟卿孟喜卿授郡后蒼及魯閭丘卿其古禮經五十六篇倉傳十七篇所

餘三十九篇以付書館名爲逸禮蒼說禮數方言號曰后蒼曲臺記在曲臺後漢書著孝宣之記因以爲名

世蒼爲最明蒼授沛閭人通漢字子方以太子舍人論石渠至中山中尉及梁戴德字延君號大戴信都太傅戴聖字次君號小戴以博士論石渠至九

江太沛慶普字孝公東平太傅由是禮有大小戴慶氏之學普授魯夏侯敬又傳族子咸豫章太守大

戴授琅邪徐良字游卿爲博士州牧郡守家世傳業小戴授梁人橋仁字季卿大戴家世傳業及楊榮字子孫琅琊太守王莽時劉歆

爲國師始建立周官經以爲周禮河南雒氏杜子春受業於歆還家以教門徒好學之

士鄭興父子興字少所河南人後漢太中大夫子衆已見前並作周禮鄭語等多往師之賈景伯亦作周禮解詁禮記者本孔子

門徒共撰所聞以爲此記後人通儒各有損益故中庸是子思後所作緇衣是公孫尼子所制鄭玄云月令是呂不韋所撰盧植字子幹家郡人後漢北中郎將九江太守云王制是漢時博士所爲陳

邵字節良下邳人晉司空長史周禮論序云戴德刪古禮二百四篇爲八十五篇謂之大戴禮戴聖刪大

戴禮爲四十九篇是爲小戴禮漢劉向別錄有四十九篇其篇次與今禮記同名爲他家書拾撰所取不可謂之小戴禮後漢馬融盧植考諸家

同異附戴聖篇章去其繁重及所叙略而行於世即今之禮記是也鄭玄亦依盧馬之

本而注焉范曄後漢書云中興鄭衆傳周官經後馬融作周官傳授鄭玄玄作周官注

鄭注引杜子春鄭大夫鄭司農之義鄭玄三禮目錄云二鄭信同宗之大儒今贊而辨之玄本治小戴禮後以古經校之取其於義長者順者故

爲鄭氏學玄又注小戴所傳禮記四十九篇通爲三禮焉漢初立高堂生禮博士後又

立大小戴慶氏三家王莽又立周禮後漢三禮皆立博士今慶氏曲臺久亡大戴無傳

學者唯鄭注周禮儀禮禮記並列學官而喪服一篇又別行於世今三禮俱以鄭爲主

馬融注周官十二卷鄭玄注十二卷王肅注十二卷干寶注十三卷

右周禮

鄭玄注儀禮十七卷馬融王肅孔倫字敬序會稽人漢晉陳銓何人不詳裴松之字士期河東人宋太中大夫西鄉侯雷

次宗蔡超字希遠濟陽人宋丞相諮議參軍田儻字僧紹馮翊人齊東平太守劉道拔彭城人宋海豐令周續之自馬融以下註喪服

右儀禮

盧植注禮記二十卷鄭玄注二十卷王肅注三十卷孫炎注二十九卷字叔然樂安人魏秘書監徵不就業

遵注十二卷字長儒燕人宋奉朝請庾蔚之畧解十卷字季隨潁川人宋員外常侍

右禮記

鄭玄三禮音各一卷王肅三禮音各一卷七錄唯云撰禮記音李軌周禮儀禮音各一卷禮記音三卷劉宗昌周禮儀禮音各一卷禮記音五卷徐邈周禮音一卷七錄無禮記

射慈字孝宗彭城人吳中書侍郎齊王傅禮記音一卷謝楨不詳何人禮記音一卷孫毓禮記音一卷繆炳禮記音一卷曹毗字愛道譙國人東晉安北諮議參軍

尹毅天水人東晉國子助教禮記音二卷蔡謨字道明濟陽考城人晉司徒文穆公禮記音二卷范宣字宣子濟陽人東晉員外郎不就禮記音二卷徐爰禮記音三卷王

曉作周禮音一卷云定鄭氏音北土江南無此書不詳何人

中國大學講義

經典

二十五

吳承仕

右作音人近有戚袞作周禮音沈重撰周禮禮記音梁國子助教皇侃撰禮記義疏五十卷又傳喪服義疏竝行於世

古之王者必有史官君舉則書所以慎言行昭法式也諸侯亦有國史春秋即魯之史記也孔子應聘不遇自衛而歸西狩獲麟傷其虛應乃與魯君子左丘明觀書於太史氏因魯史記而作春秋上遵周公遺制下明將來之法褒善黜惡勒成十二公之經以授弟子弟子退而異言丘明恐弟子各安其意以失其真故論本事而爲之傳明夫子不以空言說經也春秋所貶損人當世君臣其實皆形於傳故隱其書而不宣所以免時難也及末世口說流行故有公羊名高齊人子夏弟穀梁子受經于子夏云名淑字元始風俗通云子夏門人夾氏王吉善鄰氏春秋之傳鄒氏名亦魯人隱信云與秦者公同時七錄鄒氏春秋無師夾氏有錄無書故不顯于世桓譚新論云左氏傳遭戰國寢藏後百餘年魯人穀梁亦作春秋殘略多趙人董仲舒官至江都膠西相竝治公羊春秋蘭陵緒大梁東平嬴公諫大夫廣川段仲溫呂步舒步舒丞相長史皆仲舒弟子竝

公守學不失師法授東海孟卿及魯睦弘字孟符弘授嚴彭祖字公子東海下邳人為博士至左馮翊太子太傅及顏安

樂字翁孫魯國薛人也孟卿子也為齊郡太守丞由是公羊有嚴顏之學弘弟子百餘人常曰春秋之意在三子矣彭

祖授琅邪王中少府家中世傳樂授同郡公孫文東平太傅徒衆甚盛及東門雲荊州刺史安樂授淮陽冷豐字次君

守及淄川任翁少府豐授大司徒馬宮字游卿東海成人封扶德侯及琅邪左咸郡守九卿徒衆甚盛始貢禹字少翁琅邪人御史大夫

事臧公而成於睦孟以授潁川堂谿惠惠授泰山冥都丞相史又疎廣字仲翁東海蘭陵人太子太傅事孟卿

以授琅邪筦路筦路及冥都又事顏安樂路授大司農孫寶字子嚴潁川鄆陵人瑕丘江公受穀梁

春秋及詩於魯申公武帝時為博士博子至孫皆為博士使與董仲舒論江公訥於口而丞相公孫

弘本為公羊學比輯其義卒用董生於是上因尊公羊家詔太子受衛太子復私問穀

梁而善之其後浸微唯魯樂廣字王孫浩星公二人受焉廣盡能傳其詩春秋蔡千秋少字

衛太子好穀梁乃詔千秋與公羊家並說上善穀梁說後又選郎十人從千秋受會千

君諱大夫
郎中戶將
梁周慶字幼丁姓字子孫至皆從廣受千秋又事浩星公為學最篤宣帝即位聞

秋病死徵江公孫爲博士詔劉向受穀梁欲令助之江博士復死乃徵周慶丁姓待詔

使卒授十人十餘歲皆明習乃召五經名儒太子太傅蕭望之等大議殿中平公羊穀

梁同異時公羊博士嚴彭祖侍郎申輓伊推宋顯穀梁議郎尹更始待詔劉向周慶丁姓並論望之等多從穀梁由是大盛慶姓皆爲博士姓

授楚申章昌曼君爲博士至長沙太傅初尹更始字翁君汝南郡陵人諱郎諫大夫長樂戶將事蔡千秋又受左氏傳取其變

理合者以爲章句傳子咸大司農及翟方進字子威汝南上蔡人丞相封侯房鳳字子元瑛邪不其人光祿大夫五官中郎將青州牧始江博

士授胡常常授梁蕭秉字君房王莽時爲講學大夫

左丘明作傳以授曾申申傳衛人吳起魏文侯相起傳其子期期傳楚人鐸椒楚太傅椒傳趙

人虞卿趙相卿傳同郡荀卿名況況傳武城張蒼漢丞相北平侯蒼傳洛陽賈誼長沙梁王太傅誼傳至其

孫嘉嘉傳趙人貫公漢書云賈誼授貫公爲河間獻王博士貫公傳其少子長卿游陰令長卿傳京兆尹張敞字子高河

東平陽人徒杜陵及侍御史張禹字長子清河人禹數爲御史大夫蕭望之游陰之言左氏望之善之薦禹徵待詔

未及問會病死禹傳尹更始更始傳其子咸及翟方進胡常常授黎陽賈護字季君襄帝時待詔爲

護授蒼梧陳欽字子秩以左氏漢書儒林傳云漢興北平侯張蒼及梁太傅賈誼京兆尹張

傲大中大夫劉公子皆修春秋左氏傳始劉歆字子駿向之子王莽國師從尹咸及翟方進受左氏帝哀

傳子達達受詔列公羊穀梁不如左氏四十事奏之名曰左氏長義章帝善之達又作時歆與房風王龍欲立左氏為師丹所奏不果平帝世始得立

左氏訓詁司空南閣祭酒陳元作左氏同異大司農鄭衆作左氏條例章句南郡太守

馬融為三家同異之說京兆尹延篤字叔堅南陽人受左氏於賈逵之孫伯升因而注之汝南彭

汪字仲博記先師奇說及舊注太中大夫許淑字惠卿魏郡人九江太守服虔字子慎河南人侍中孔嘉字山甫扶風人

魏司徒王朗字景與荊州刺史王基大司農董遇字敬夫徵士燉煌周生烈並注解左氏傳梓潼

李仲欽著左氏指歸陳郡潁容字子嚴後漢公事徵不就作春秋條例又何休字伯公任城人後漢諫大夫作左氏膏旨

公羊墨守穀梁廢疾鄭康成鍼膏旨發墨守起廢疾自是左氏大興漢初立公羊博士

宣帝又立穀梁平帝始立左氏後漢建武中以魏郡李封為左氏博士羣儒蔽固者數

廷爭之及封卒因不復補和帝元興十一年鄭興父子奏上左氏乃立於學官仍行於

世迄今遂盛行二傳漸微江左中興立左氏傳杜氏服氏博士太常荀崧奏請立二傳博士左氏今用杜預注

公羊用何休注穀梁用范甯注二傳近代無講者恐其學遂絕故爲晉以示將來

士變注春秋經十一卷字彥威若稽人吳賈逵左氏解詁三十卷服虔解詁三十卷王肅注

三十卷董遇章句三十卷杜預經傳集解三十卷字元凱京兆杜陵人晉鎮南大將軍開府儀同三司當陽穆侯杜預春秋釋例十五卷四十篇服虔音一卷魏高貴卿公音三卷曹髦字士楷康音三

卷字叔夜譙國人晉中散大夫杜預音三卷李軌音三卷荀訥音四卷字世言新蔡人東徐邈音二卷晉尙書左氏郎

右左氏梁東宮學士沈文何撰春秋義疏闕下秩陳東宮學士王元規續成

之元規又撰春秋音

何休注公羊十二卷王愆期注十二卷字門子河東人東晉高龍注十二卷字文范陽人東晉河南太守孔衍

集解十四卷字舒元魯人東晉廣陵相李軌音一卷江惇音一卷

散騎常侍長陽伯

右公羊

尹更始穀梁章句十五卷唐固注十二卷字子正丹陽人糜信注十二卷字南山東海人孔衍集

解十四卷徐邈注十二卷徐乾注十三卷字文祚東莞人范甯集注十二卷段肅注十二卷

不詳何人胡訥集解十卷

右穀梁

孝經者孔子爲弟子曾參說孝道因明天子庶人五等之孝事親之法亦遭焚燼河間

人顏芝爲秦禁藏之漢氏尊學芝子貞出之是爲今文長孫氏博士江翁少府后蒼諫

大夫翼奉安昌侯張禹傳之各自名家凡十八章又有古文出于孔氏壁中別有閨門

一章自餘分析十八章摠爲二十二章孔安國作傳劉向校書定爲十八後漢馬融亦

作古文孝經傳而世不傳世所行鄭注相承以爲鄭玄案鄭志及中經簿無唯中朝穆

帝集講孝經云以鄭玄爲主檢孝經注與康成注五經不同未詳是非

江左中興孝經論語共立鄭氏博士一人

古文孝經世既不行今隨俗用鄭注十八章本

孔安國馬融鄭衆鄭玄王肅蘇林

字孝友陳留人魏散騎常侍

何晏

字平叔南陽人魏吏部尚書驎馬都尉關內侯

劉邵

字孔才廣平人魏光祿勳一云劉熙

韋昭

字弘嗣吳郡人吳侍中領左國史高陵亭侯爲晉諱改爲曜

徐整謝方孫氏

不詳何人

揚泓

天水人東晉給事中

袁宏

字彥伯陳郡人東晉東陽太守

庾氏

不詳何人

殷仲文

陳郡人東晉東陽太守

車胤

字武子南平人東晉丹陽尹

荀昶

字茂祖潁川人宋中書郎

孔光

字文泰東莞人

天東海人宋廷尉卿

釋慧琳

秦郡人宋世沙門

王玄戴

字彥運下邳人齊光祿大夫

明僧紹

右竝注孝經皇侃撰義疏先儒無爲音者

論語者孔子應答弟子及時人所言或弟子相與言而接聞於夫子之語也當時弟子各有所記夫子既終微言已絕弟子恐離居已後各生異見而聖言永滅故相與論撰因輯時賢及古明王之語合成一法謂之論語鄭康成云仲弓子夏等所撰定漢興傳者則有三家魯論語者魯人所傳即今所行篇次是也常山都尉龔奮長信少府夏侯勝丞相韋賢及子玄成魯扶卿鄭云扶先或說先先生太子少傅夏侯建前將軍蕭望之竝傳之各

自名家齊論語者齊人所傳別有問王知道二篇凡二十二篇其二十篇中章句頗多

於魯論昌邑中尉王吉少府宋畸琅邪王卿御史大夫貢禹尚書令五鹿充宗膠東庸

生竝傳之唯王陽名家古論語者出自孔氏壁中凡二十一篇有兩子張如摺云分堯曰篇後子張問何如可

以從政下為篇次不與齊魯論同新論云文異者四百餘字孔安國為傳後漢馬融亦注之安昌侯張禹

受魯論于夏侯建又從庸生王吉受齊論擇善而從號曰張侯論最後而行於漢世禹

以論授成帝後漢包咸字長與人大鴻臚周氏不詳何人竝為章句列于學官鄭玄就魯論張包周之

篇章考之齊古為之注焉魏吏部尚書何晏集孔安國包咸周氏馬融鄭玄陳羣字長文潁川人

魏司空王肅周生烈歟人七錄云字文逢本姓唐魏博士侍中之說并下已意為集解正始中上之盛行於世今以

為主

鄭玄注十卷王肅注十卷虞翻注十卷何晏集解十卷譙周注十卷字允南巴西人晉散騎衛常侍不拜陽城亭侯

。注八卷少二卷宋明帝補闕崔豹注十卷字正熊燕國人晉尚書左中兵郎李充集注十卷東晉人孫綽集注十卷字興公太

原人東晉廷尉卿長樂亭侯

殷氏注十卷

不詳何人

孟整注十卷

一云孟頤字少孤江夏人東晉撫軍參軍不就

梁暉注十卷

天承人東晉袁國子博士

喬注十卷

字彥叔陳國人東晉益州刺史湘西簡侯

尹毅注十卷

江熙集解十二卷

張馮注十卷 字長宗吳人東晉司徒左長史

之注十卷

字仲淵會稽人宋新安太守

虞遺注十卷

會稽人齊外郎

王弼釋疑三卷

樂肇釋疑十卷 徐邈音一卷

卷

右論語皇侃撰義疏行於世

老子者姓李名耳

河上公云名重耳

字伯陽陳國苦縣厲鄉人也

史記云字聃又云曲生而皓首劉向列里人一云陳國相人

受學於容成

為周柱下史

史記云為周守藏史或言是老萊子蓋百六十餘歲或言二百餘歲衆家皆云先為柱下史轉為守藏史葛洪云文王時為主藏史武王時為柱下史或云老子在黃帝時為廣成子一云為天老

生於殷時

觀周之衰乃西出關

周敬王時

為令尹喜說道德二篇尙虛無無為

劉向云西過流

在堯時為務光子在殷時為彭祖在周為柱下史

所終 班固云道家者清虛以自守卑弱以自持此人君南面之術也漢文帝竇皇后好

黃老言有河上公者居河之湄結草為菴以老子教授文帝徵之不至自詣河上責之

河上公乃躡身空中文帝改容謝之於是作老子章句四篇以授文帝言治身治國之

要其後談論者莫不宗尙玄言唯王輔嗣妙得虛無之旨今依王本博采衆家以明同異

河上公章句四卷不詳名氏母丘望之章句二卷字仲都京兆人漢長陵三老嚴遵注二卷字君平蜀都人漢徵士又作老子指歸十四卷

虞翻注二卷王弼注二卷又作老子指略一卷鍾會注二卷羊祜解釋四卷字叔子泰山平陽人晉太傅鍾平成侯范望州

注訓二卷字叔文會稽人吳尙書郎王尙述二卷字君曾琅琊人東晉江州刺史封杜忠侯程韶集解二卷字子泰中關內侯邯鄲氏注

二卷不詳何人常氏注二卷不詳何人盈氏注二卷孟子注二卷或云孟康字公休安平廣宗人魏中書監廣陵亭侯巨生內解

二卷不詳何人袁真注二卷字彥仁颍郡人東晉西中郎將豫州刺史張嗣注二卷張憑注二卷孫登集注二卷字仲山太原中

都人東晉尙書郎不詳何人蜀才注二卷釋慧璿注二卷釋慧嚴注二卷陳留人本姓范宋世沙門王玄載注二卷顧懽堂

誥四卷一作老節解二卷子義疏藏達言一卷字安道燕國人東晉散騎常侍太子中庶子徵不就想余注一卷不詳何人

一云張魯或云劉表魯字旌沛國豐人漢鎮南將軍關內侯

右老子近代有梁武帝父子及周弘正講疏北學有杜弼注世頗行之

莊子者姓莊名周太史公云字子休梁國蒙縣人也六國時爲梁漆園吏與魏惠王齊宣王楚成

王同時李頤云與齊盛王同時齊楚嘗聘以爲相不應時人皆尙遊說莊生獨高尙其事優遊自得

依老氏之旨著書十餘萬言以逍遙自然無爲齊物而已大抵皆寓言歸之於理不可

案文責也然莊生宏才命世辭趣華深正言若反故莫能暢其弘致後人增足漸失其

真故郭子玄云一曲之才妄竄奇說若闕弈意脩之首危言游臆子胥之篇凡諸巧雜

十分有三漢書藝文志莊子五十二篇即司馬彪孟氏所注是也言多詭誕或似山海

經或類占夢書故注者以意去取其內篇衆家竝同自餘或有外而無雜唯子玄所注

特會莊生之旨故爲世所貴徐仙民李弘範作音皆依郭本今以郭爲主

崔譔注十卷二十七篇清河人晉議郎內向秀注二十卷二十六篇一作二十七篇一作二十八篇亦無雜篇爲音三卷司馬

彪注二十一卷五十二篇字紹統河內人晉秘書監內篇七外篇二十八雜篇十四解說三爲音三卷郭象注三十三卷三十三篇字子玄河

內八晉太傅主簿內篇七外篇十五雜篇十一爲音三卷李頤集解二十卷二十篇字景真潁川襄城人晉丞相參軍自孟氏注十八卷號玄道子一作三十五篇爲音一卷

五十二篇不詳何人王叔之義疏三卷字程瑛邪人宋處王亦作注李軌音一卷徐邈音三卷

右莊子

爾雅者所以訓釋五經辯章同異實九流之通路百氏之指南多識鳥獸草木之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼所增子夏所足叔孫通所益梁文所補張揖論之詳矣前漢終軍始受豹鼠之賜自茲迄今斯文甚矣先儒多為億必之說乖蓋闕之義唯郭景純洽聞強識詳悉古今作爾雅注為世所重今依郭本為正

韃為文學注三卷一云韃為郡文學卒史臣舍人漢武帝時待詔闕中卷劉歆注三卷與李巡注正同疑非歆注樊光注六卷京兆人後漢中散大夫沈旌疑非光

注李巡注三卷汝南人後漢中黃門孫炎注三卷音一卷郭璞注三卷字景純河東人東晉弘農太守著作郎音一卷闕贊二卷

右爾雅梁有沈旋約之子集衆家之注陳博士施乾國子祭酒謝疇舍人顧野

王竝撰音既是名家今亦采之附於先儒之末

目錄

- 經典釋文卷第一 序錄
- 經典釋文卷第二 周易音義
- 經典釋文卷第三 古文尙書音義上
起第一盡第五
- 經典釋文卷第四 古文尙書音義下
起第六盡第十三
- 經典釋文卷第五 毛詩音義上起
第一盡第六
- 經典釋文卷第六 毛詩音義中起
第七盡第十五
- 經典釋文卷第七 毛詩音義下起第
十六盡第二十二
- 經典釋文卷第八 周禮音義上起
天官盡春官下
- 經典釋文卷第九 周禮音義下起夏
官盡考工記下
- 經典釋文卷第十 儀禮音義

右上帙十卷

經典釋文卷第十一 禮記音義之一起第一盡第五

經典釋文卷第十二 禮記音義之二起第六盡第十二

經典釋文卷第十三 禮記音義之三起第十一盡第十五

經典釋文卷第十四 禮記音義之四起第十六盡第二十

經典釋文卷第十五 春秋左氏音義之一起第一盡第五

經典釋文卷第十六 春秋左氏音義之二起第六盡第十

經典釋文卷第十七 春秋左氏音義之三起第十一盡第十五

經典釋文卷第十八 春秋左氏音義之四起第十六盡第二十

經典釋文卷第十九 春秋左氏音義之五起第二十一盡第二十五

經典釋文卷第二十 春秋左氏音義之六起第二十六盡第三十

中國大學講義

經典

三十九

吳承仕

右中軼十卷

經典釋文卷第二十一 春秋公羊音義

經典釋文卷第二十二 春秋穀梁音義

經典釋文卷第二十三 孝經音義

經典釋文卷第二十四 論語音義

經典釋文卷第二十五 老子音義

經典釋文卷第二十六 莊子音義
上篇七

經典釋文卷第二十七 莊子音義
外篇十五

經典釋文卷第二十八 莊子音義
雜篇十五

經典釋文卷第二十九 爾雅音義
上中二卷

經典釋文卷第三十 爾雅音義
下卷

經典釋文卷第一



